



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

10 de cabudanni 2022 da oras de is 19.30



Faidiri pigai da is savoris de s'Orienti, da is profumus africanus, da sa bellesa de logus esòticus; tufadiri in su misteru de culturas chi ndi lompint de atesu!

Bivi su calori de is ballus latinus e faidiri portai da is danzas de su mundu in unu tretu de scoberri.

Natzionis ca nci funt: Repùbblica Dominicana, Ucraina, Cuba, Bosnia, Filippine, Colombia, Algeria, Marocco, Messico, Brasile, Cile, Argentina, Haiti, Libano, Benin, India, e tanti altri!

Kumbidus est festa, Kumbidus est atòbiu, Kumbidus est cumpartziri... Kumbidus est invitu.

Kumbidus t'abetat po ti fai connosci unu sero de savoris, coloris, mùsica internatzionali, sàbudu 10 de cabudanni 2022 a oras de is 19,30 in bia Eligio Porcu in Quartu Sant'Aleni (CA).

S'eventu est po is fainas de festamentu de Sant'Aleni, patrona de sa citadi de Quartu.

Custa faina at a agiudai is progetus de su Coordinamentu po is Diaspore Sardegna, un'assòtziu, presenti cun s'infopoint suu, chi agiudat a acolli is citadinus stràngius imparendindi sa lèngua italiana e circat de ddus incarrerai a unu traballu.

A s'eventu nc'at a essi unu box de s'Ucraina chi at a arregolli cosa de papai a scadèntzia longa, biscotus e omogenizaus po pipius, materiali po sa scola (cancelleria e cuadernus) e meixina, ant a essi intregaus in Ucraina da s'Assòtziu presenti a s'eventu.

[#eventiaquartu](#) [#kumbidus](#) [#sardegna](#) [#quartu](#)